


正法念處經



二百九十五  
宜八

49703



七條北幸西子二月日重脩

三國取華國 廣澤銀昌

佛已塔輝 德輪亦常轉

山城州天安寺法金剛院置





正法念處經卷第六十八

宜

元魏婆羅門瞿曇般若流支譯

身念處品第七之五

復次修行者外身隨順觀過青水海復有何  
等山海渚耶彼以聞慧或以天眼見有大海  
名曰清淨縱廣五百由旬海中有山名光明  
巖高一由旬縱廣三百由旬白銀所成金  
華莊嚴有蓮華池名曰善意長三十由旬廣  
十由旬鬘持諸天樓迦足天諸天鵝鴨鴛鴦

莊嚴

復次修行者隨順觀外身過清淨海復有何  
等山河海渚彼以聞慧或以天眼見有大海



名曰大波廣五千由旬水下風起衆生因緣  
一切大海及以洲渚諸海波出過二由旬閻  
浮提人說名海潮大波海中有大魚住首如  
狗頭

復次修行者外身隨順觀過大波海復有何  
等大山海耶彼以聞慧或以天眼見大波海  
北有一大山名阿奴摩那廣十四由旬白銀  
莊嚴如第二日天曼陁華拘賒耶舍華毗瑠  
璃華及天園林以爲莊嚴

復次修行者隨順觀外身過阿奴摩山復有  
何等大山海耶彼以聞慧或以天眼見阿奴  
摩那山東有一大海名曰澄靜去永不遠須



彌山側毗琉璃面有山名憂陁延向弗婆提  
金色生光閻浮提國毗琉璃故其影青色

復次修行者隨順觀外身過憂陁延山更有  
何山彼以閻慧或以天眼見有大山名曰善  
意一切閻浮檀金廣大金華以爲莊嚴廣十  
由旬高五百由旬多有金樹真金禽獸此紫磨

金色波羅賒樹多有諸天捷闍婆王髮持天  
三筌篔天如其業相上中下業自業果故至  
善意山見閻浮提是名閻浮提東方山海  
復次修行者隨順觀外身云何閻浮提南方  
山海彼以閻慧或以天眼見民陁山廣八百  
由旬有河名曰南摩多廣半由旬長二百由

旬有大毒龍住在河中河中多有失收摩羅  
龜伽羅摩復有大河名曰濤波復有大河名  
曰鞞伽於此河邊多有林樹復有大河名黑  
賓拏廣三由旬長三百由旬入於大海復有  
大河名曰大盧陁有大毒龍住在其中摩羅  
耶山多有栴檀其山廣長五百由旬高三由  
旬有一大河名登祇尼出摩羅耶山廣一由  
旬長一百由旬入於大海復有一河名質多  
羅種種林樹種種衆鳥以爲莊嚴廣一由旬  
長五十由旬入於大海  
復次修行者隨順外身觀閻浮提彼以聞慧  
或以天眼見有國土名弥佉羅種種樂處其



國縱廣四十由旬復有一國名諸迦羅廣五十由旬多有種種美果之樹吱那迦果波那婆果無遮樹果毗邏樹果迦卑他果不樓迦果婆陀羅果阿殊那華旃吒迦華莊嚴其國次名迦陵伽國其土縱廣九十由旬多有林樹多有稻田次名耽婆婆帝國其土縱廣一百由旬多有樹林多有稻田復有一國名檀荼迦其土縱廣二十由旬空曠無人昔仙人瞋故今國空復次修行者隨順觀外身觀閻浮提中於南方面復有何等山河大海彼以聞慧或以天眼見有大河名瞿陀婆利其水清淨廣一拘賒長二百由旬復有一國名曰烏荼其土縱

廣二十由旬復有一國名安陀羅其土縱廣四十由旬復有一國名曰雞羅其土縱廣五十由旬其國多有牛及水牛多有稻田林樹華果近南海濱有國名迦俱羅摩一切林樹皆悉具足其土長三百由旬廣五十由旬有一大河名迦毗梨種種樹林以爲莊嚴其水清淨廣一由旬長五由旬多有可愛迦俱羅樹雞多迦樹莊嚴其河甚可愛樂復次修行者隨順觀外身過閻浮提復有何等山海洲渚彼以聞慧或以天眼見有大海名不梨那蓮華葉覆縱廣一萬由旬風吹不動以蓮華葉遍覆水故過此海已復有一渚



縱廣五百由旬有諸羅刹住在其中其形醜  
惡甚可怖畏過羅刹渚有一大山名摩醯陁  
縱廣四十由旬高十由旬多有衆樹謂多羅  
樹娑羅樹諸阿脩羅諸龍龍女遊戲其中或  
復在於園林遊戲於閻浮提六齋之日四天  
王天住此山上觀閻浮提何等衆生孝養父  
母隨順法行何人齋日受持齋戒有何等人  
信佛法僧有何等人與魔共戰誰行直心誰  
行布施何人不慳誰不惱他何人知恩何人  
信業誰行十善誰近善友何人離於邪見外  
道如是四天王於摩醯陁羅山觀閻浮提若  
閻浮提順法修行四天王天至帝釋所白如

是言天王應生歡喜破壞魔軍增長正法及諸天衆一切閻浮提人行於善法時釋迦天王及諸天衆聞其所說皆大歡喜若閻浮提人不順法行時四天王天則皆愁惱向三十三天作如是說閻浮提人不順法行增長魔軍減損天衆

復次修行者隨順觀外身過摩醯陀羅山復有何等山海渚耶彼以聞慧或以天眼見過摩醯陀羅山見有一渚縱廣一百由旬有一人住在此渚飲食根果以自存生壽命五十歲樹葉爲衣不爲屋宅住在樹下於此國中多有師子猛惡之獸其師子身皆有兩翼



土田調適無寒無熱一切女人皆如狗面口  
出妙音過此洲已有一大海縱廣二萬由旬  
海中有山名摩利耶羅金銀玻瓈毗琉璃寶  
之所成就多有種種金色之鳥曼陀羅華俱  
賒耶舍華六時常具有神通力大阿脩羅於  
此山中遊戲受樂受愛色聲香味觸等山長  
五千由旬高一百由旬有十五峯皆是白銀  
諸天女等在中受樂爲諸脩羅之所惱亂以  
此因緣諸天初共阿脩羅鬪一切天人愚癡  
凡夫皆爲女人之所使役

復次修行者隨順觀外身過多黎那羅山復  
有何等山海渚耶彼以聞慧或以天眼過彼

山已見有大海縱廣五十由旬水中有魚長  
一由旬於此海中有諸水人身長五由旬或  
作牛頭或作猪頭或作水牛頭或駱駝頭或  
師子頭或作虎頭或作豹頭或獼猴頭遍似  
一切畜生之面如印所印過此海已有一大  
山名曰輪山一切諸欲皆悉具足天蓮華池  
上咏之果若食其果生樂七日緊那羅王住  
此山中以自業故心常歡喜上中下業互相  
娛樂遊戲受樂其日輪山縱廣二千由旬過  
此山已復有一山名軍闍摩其山皆以白銀  
成就毗琉璃石如天莊嚴其山有樹名曰女  
樹於此山中遍山諸樹天欲明時皆生嬰兒



日出能行至於食時皆成少年至日中時身  
色盛壯至日晡時年已朽老拄杖而行頭髮  
皓白如霜著樹至日沒時一切皆死一切衆  
生共業而行隨所作業隨業受報

復次修行者隨順觀外身過軍闍羅山復有  
何等山海渚耶彼以聞慧或以天眼見於南  
方過此山已有一大海於海水下五百由旬  
有龍王宮種種衆寶以爲莊嚴毗琉璃寶因  
陀青寶玻瓈欄楯七寶莊嚴光明摩尼種種  
衆寶莊嚴殿堂重閣之殿猶如日光有如是  
等無量宮殿德又迦龍王以自業故住此宮  
殿是德又迦龍王日夜常修念佛念法念僧

過此寶堂五百由旬有大惡海一切衆生見者惶怖多瞋惡龍以爲圍遶過此海已復有一山名曰牛王其山具有一切衆生於此山中出於牛頭栴檀之香第二栴檀名曰黃色其栴檀相如日光明一切凡人不能得見若人順法轉輪聖王出現於世或有如法小王出現於世如轉輪王則能得之捷闍婆王住此山中歌舞嬉戲以自娛樂過牛王山五百由旬有一大海名大水沫大風音聲過此海已有一大山名曰三峯一曰金峯二曰銀峯三曰玻瓈峯其峯有池名曰沫輪金沙布底天華莊嚴鵝鴨鴛鴦充滿池中風吹海水擊



三峯山多殺大魚以自業故被打而死  
復次修行者隨順觀外身過大海已復有何  
等山河渚耶彼以聞慧或以天眼過前大海  
見閻羅王汝罪福處一切衆生證業果處是  
閻羅王所住境界閻羅王法治諸罪人是諸  
衆生自心所誑住黑闇處過此住處一百由  
旬但有虛空過百由旬至閻羅王所住宮殿  
其王宮殿閻浮那提金之所成就一切衆寶  
以爲莊嚴河泉流水蓮華嚴飾縱廣一百由  
旬其殿光明如第二日過此住處無日月光  
一切黑闇海廣大故日光不現以地獄衆生  
惡業因故一切黑闇目無所見不知東西

復次修行者隨順觀外身遍觀衆生所住之  
處若地獄處若河若山若樹若海若諸天處  
若畜生道若餓鬼道八方上下頗有衆生不  
生不死不生不滅頗有恩愛而不別離無有  
一處不壞不變無常恩愛要當別離如是比  
丘不見一處非愛別離於五道中無一指地  
非愛別離隨諸衆生所住之處無非生死生  
滅無常是故於此有爲生死諸行之中應生  
厭離此是誑惑躁動障礙多有憂悲速疾不  
停破壞磨滅得已還失如幻如夢得之還失  
此恩愛處誑惑愚癡無始流轉欲瞋癡處猶  
如怨家詐爲親友愛欲住處是故應離有爲



起厭離心捨於亂心於無常境界勿生喜樂  
莫與愚癡而共遊戲如是修行者教諸衆生  
如實隨順觀於外身四十住處無一衆生不  
依業生無一衆生非業流轉無一衆生不爲  
業縛如所作業或善或不善而得果報彼比  
丘如是觀時不無一衆生非業故生無一衆  
生非業藏者無一衆生非業流轉如所業作  
或善不善而得果報彼比丘觀察業已如實  
外身隨順正觀

復次修行者隨順觀外身云何觀於閻浮提  
中西方國土山河海渚彼以聞慧或以天眼  
見有大河名曰富那有諸華樹婆鳩羅樹婆

壽迦樹佉殊羅果咬多迦華那梨咬羅樹多  
摩羅樹有如是等種種衆樹莊嚴其河多有  
山谷河邊有國名吱迦移過此國界名辛頭  
河河邊有國名蘇毗羅人民豐樂食赤稻米  
其國安樂山林流水過此國界復有一國名  
蘇羅沙吒過此國界復有一國名波羅多其  
土縱廣二十由旬國中多有石榴蒲桃其國  
有城名弥多羅蒲伽過此大城有五大河共  
合而流過從此以西乃有大海多饒種種惡  
魚惡獸甚可怖畏是修行者見西海中有  
一  
大洲名曰迦羅縱廣一百由旬種種衆鳥住  
在此洲種種園林甚可愛樂是毗荼他之所



住止遊戲受樂城名鋒利多第二住處名曰  
長髮其處可愛此迦羅渚重閣殿堂多有清  
水過此住處有辛頭河入西海口有一大山  
名曰蘇棄住在海中於此山中多有珊瑚若  
有寶人至此寶山多獲珍寶富樂無窮

復次修行者隨順觀外身過此山已復有何  
等山海渚耶諸羅刹等住何等處彼以聞慧  
或以天眼見有大海多有大海魚五千由旬多  
有螺貝摩伽羅魚提彌魚提彌鯢羅魚托攬  
海水風鼓大海令魚亂行行者復觀過此海  
已有一大洲名曰周遍可愛衆師子國其國  
有蛇身長十里飛空而行無所障礙壽命千

歲不相憎嫉行者復觀過此洲已復有一海  
名曰可愛縱廣五由旬於此水中多有蓮華  
衆蜂莊嚴華臺廣大有諸羅刹名鳩迦羅住  
此海中食蓮華臺恣意充足行者復觀過此  
任處有一大山名曰曠野縱廣一百由旬於  
此山中多有白鳥及迦陵頻伽鳥出妙音聲  
如是美音若天若人若緊那羅若阿脩羅無  
能及者唯除如來

復次修行者隨順觀外身過此大山復有何  
等山河海渚彼以聞慧或以天眼見有大山  
高五十由旬其山多有毗琉璃林有諸師子  
羽翼具足守護寶林恐曼提呵羅刹來奪其



處

復次修行者隨順觀外身過閻浮提復有何  
等山河海渚彼以聞慧或以天眼復見西海  
縱廣一萬二千由旬於彼大海無山無城水  
中唯有魚頭魚身猪頭魚身行者復觀過此  
海已有一大山名曰金山其山光明照大海  
水令大海水猶如金色莊嚴其山山高三百  
由旬廣五十由旬有捷闍婆名閻浮摩利住  
在其上心常悅樂壽命二千歲亦有中天無  
量百千捷闍婆衆住此山中身如金色一切  
色相與天相類食於樹果其性勇健一切阿  
脩羅住於水下無能奪此捷闍婆衆所有根

復次修行者隨順觀外身過此海已復有何  
等山海渚耶彼以聞慧或以天眼見此大海  
過五分已有大輪山真金所成高千由旬廣  
五百由旬金剛爲頂於此山中有緊那羅及  
阿脩羅住在此山是甄那羅園林可愛河流  
泉池多有華果獼猴遊戲河名金水廣半由  
旬於此河中多有金魚游洋躍鱗行者復觀  
過輪山已有一大海縱廣一萬由旬其海有  
渚名曰寶渚於此渚中種種衆寶無有土石  
遍於渚上皆是珍寶行者復觀過此海渚復  
有何等山河海渚彼以聞慧或以天眼見有



大山名曰白山多有林樹其色白淨水沫圍  
遶高一千由旬縱廣五百由旬行者復觀過  
此山已見有大山名曰善雲高百由旬廣六  
十四由旬空無人住若夜叉若緊那羅畏阿  
修羅悉無住者過此山已有玻璃山高三千  
由旬縱廣千由旬河池林果一切具足如天  
之山過此山已有大清水縱廣百由旬多有  
螺貝其水難行過此水已有仙光山諸阿脩  
羅住此山中常畏天衆多有娑女種種莊嚴  
酒河流溢甄波迦果及粘那果生仙光山其  
味甚美食之殺人  
復次修行者隨順觀外身復有何等山河海

渚彼以間慧或以天眼見六萬金山紫磨金  
樹周遍山中禽獸充滿於此山中處處多有  
金蓮華池出大光明一切金山須彌山王住  
在其中諸屢持天樓迦足天三筌篥天四天  
王天住此山上於此山上有如意樹隨天所  
念皆從樹生一切禽獸身皆金色多有衆華  
曼陁羅華拘賒耶舍華於山四埵有四大林  
一名歡喜林二名雜殿林三名鮮明林四名  
波利耶多林歡喜園中有大樹王名波利耶  
多於此樹下夏四月時受五欲樂遊戲自娛  
四天王天於歡喜園遊戲受樂四天王大於  
此園中歡娛受樂故名歡喜園鮮明林者衆



彩莊嚴故名鮮明林雜殿林者種種雜殿天子乘之遊戲受於可愛色聲香味觸等故名雜殿林波利耶多林歡喜林中一切天衆受五欲樂

須弥山王向閻浮提一方之面毗琉璃寶以毗琉璃光照力故令閻浮提仰觀虛空皆作青色第三方面鮮明林中諸天欲共阿脩羅鬪於此林中集共議論須弥山王向瞿陀尼一方之面真金所成令瞿陀尼仰觀虛空皆作赤色第二方面有雜殿林於此殿中盛天鬪具須弥山王向弗婆提一方之面白銀所成令弗婆提仰觀虛空皆作白色須弥山王

向鬱單越一方之面玻璃所成令鬱單越見  
空清淨白光明色行者復觀四天王天壽命  
幾歲以閻浮提中五十年爲一日一夜如是  
壽命滿五百歲亦有中天

復次修行者隨順觀外身須弥山上復有何  
等異天止住彼以聞慧或以天眼見須弥山  
王有三十三天住仁山頂所受樂行不可具  
說城名善見縱廣十千由旬七寶莊嚴因陀  
青寶金剛碑磔赤蓮華寶柔軟大寶以爲莊  
嚴有善法堂廣五百由旬毗琉璃珠以爲欄  
楯真金爲壁一切門戶亦復如是以一切莊  
嚴嚴飾殿堂釋迦天王住善法堂以善業力



受相似樂人中百歲為第二天一日一夜如是壽命滿一千歲亦有中天須弥西面名曰没山日至此山閣浮提人謂之曰没故名没山

復次修行者隨順觀外身觀須弥山王其量高下彼以聞慧或以天眼觀須弥山高廣八萬四千由旬阿修羅王住在其側居此水下以衆生業之所住持今日旋轉有大尊神名曰健疾常在前面導於晌日頃能行十千一百五十由旬周而旋轉以日為度知諸衆生壽

命長短

復次修行者隨順觀外身觀四天下人所住

之處閻浮提國弗婆提國瞿陀尼國鬱單越國幾許量耶彼見閻浮提國七千由旬弗婆提國八千由旬瞿陀尼國九千由旬鬱單越國十千由旬隨四天下地之形相人面亦尔像其地形閻浮提人面之形相上廣下狭像其地形其餘三方弗婆提人面像地形猶如滿月瞿陀尼人面像地形猶如半月鬱單越人面像地形其面正方如是外觀觀四天下人之形相如實了知

復次修行者隨順觀外身云何觀於閻浮提國北方國界山河海渚彼以聞慧或以天眼見閻浮提北方有國名曰婆嗟其土縱廣滿



十由旬次第第二國名民陀羅其土縱廣二千  
由旬次第第三國名首羅斯那其土縱廣一百  
由旬次第第四國名阿梯犁其土縱廣一百由  
旬次第第五國名曰陀羅其土縱廣一百由旬  
次第第六國名曰鳩留其土縱廣一百由旬次  
第七國名摩陀羅其土縱廣五十由旬次第  
八國名捷陀羅其土縱廣一百由旬次第第九  
國名曰賒迦其土縱廣一百由旬次第第十國  
名婆陀羅迦其土縱廣二百由旬次第第十一  
國名陀羅陀其土縱廣一百由旬於此國中  
多有山嶮次第十二名婆佉邏國其土縱廣  
一千由旬次第十三名毗師迦國其土縱廣

二百由旬次第第十四名摩醯沙國其土縱廣  
二百由旬次第第十五名曰漢國其土縱廣一  
千由旬官屬都合一千由旬真漢唯有二百  
由旬次第第十六名都佉國其土縱廣五百由  
旬次第第十七名跋跋羅國其土縱廣二百  
由旬次第第十八名究頗羅國其土縱廣五十  
由旬次第第十九名鳩留摩國其土縱廣滿五  
由旬次第第二十名甘蒲閣國其土縱廣一百  
由旬自餘小國及以空地悉不在數  
復次修行者隨順觀外身觀閻浮提北方國  
界復有何等山王彼以閻慧或以天眼見有  
大山名曰雪山種種山峯其山眷屬廣千由



旬山中多有盧陀羅樹松樹栢樹天木之樹  
婆羅樹多摩羅樹多有夜叉多緊那羅多毗  
舍遮夜叉之屬其山可愛修學禪者多依此  
山河流甘美大力龍等住在山中多有吠羅  
多人住在此山

復次修行者隨順觀外身觀閻浮提北方國  
界復有何等山河海渚彼以聞慧或以天眼  
見雪山東名懸雪山多有可愛禽獸滿中松  
栢之樹及天木樹那迷流林婆鳩流樹闍摩  
迦樹過此山已復有一山名多摩伽羅縱廣  
二十由旬有一千窟過此山已有百由旬空  
曠之地多有河池無有藥草及以樹林過此

處已有白銀山名雞羅婆金峯圍遶毗留勒  
天王住在其上於山峯中河池清涼多有蓮  
華青優鉢羅華池中多有鵝鴨鴛鴦而以莊  
嚴過雞羅婆山有一大山名曰峯山緊那羅  
王在其山下歌舞遊戲於此山上有五金峯  
三玻璃峯十白銀峯無量天華香氣可愛山  
中有河名鳩摩羅從山流出多有鵝鴨鴛鴦  
充遍河中過此山已復有大山名弥那迦縱  
廣五十由旬多饒阿脩羅住此山中常樂歌詠  
復次修行者隨順觀外身觀閻浮提復有何  
等山河海渚彼以聞慧或以天眼過此山已  
見有大海縱廣一萬由旬多有大龍及提弥



魚那迦羅魚螺貝之類過此海已有一大山  
名曰善意山中有池名曰凝蘇縱廣一由旬  
其池可愛於此池中多有鵝鴨鴛鴦迦陵頻  
伽鳥其山縱廣五十由旬山中有河名憍尸  
迦多有水鳥莊嚴其河過此山已有一大海  
縱廣二萬由旬甚可怖畏雷聲常吼惡龍瞋  
恚手相攻戰或雨刀火放大熾電以瞋心故  
吐毒相殺

復次修行者隨順觀外身觀閻浮提過海龍  
已有一大洲名耽婆迦縱廣一百由旬多有  
諸大惡羅刹等食魚自活彼有地獄名耽婆  
迦焚燒衆生有一大河名憍尸迦滿河流血

頭髮骸骨隨河而流。地獄縱廣五百由旬。受  
大劇苦。過地獄已。有一大海。狀如地獄。縱廣  
一萬由旬。其水青黑。無龍。夜叉。無犍闍婆。過  
此海已。北方有海。名曰寶滿。衆山圍遶。林樹  
無量。松栢栴檀如意之樹。山中復有無量菓  
樹。過此山已。有一大山。名曰彼岸。縱廣五百  
由旬。於此山中。多梨那羅果。吱羅樹果。一切  
時果。六時具足。河池充滿。鵝鴨鴛鴦諸大仙  
人。住在山中山。有千峯。種種衆寶莊嚴。其山  
山有種種毗多羅樹。皆是金樹。種種衆香。過  
此山已。有一大河。名曰石水。於此河中。一切  
衆生。若草若木。若人。非人。若禽。若獸。入者。如



石其河兩岸生諸竹林名曰吱遮風吹相措  
自然出火燒殺無量百千衆生行者復觀過  
此河已有一大河名曰斯陁廣十由旬長三  
百由旬無人能度以水鹹故若有入者身即  
碎裂過此河已有渚名閻浮摩有捷闍婆名  
曰常樂住此渚上多行布施淨持禁戒心常  
歡喜離於憂惱欲果具足於此渚上金樹具  
足毗琉璃華充滿池中近須弥山以山勢力  
一切河水及諸禽獸皆作金色多有無量憂  
鉢羅華拘物陁華處處酒河洋洋溢流自然  
稻米不須種植其渚縱廣二千由旬過此渚  
已無有一切山河樹林有一大海名水沫輪

海中多有火毒惡龍名曰電光過此海已有  
一大山名涅蜜沙山中有窟名提弥沙黑闇  
之窟窟中多有化生龍女初夜化生端正具  
足莊嚴其身壽命一夜於日出時則皆老死  
殺生餘業故受斯報過此山已復有一山名  
曰蘇摩祇利縱廣五百由旬過此山已有  
一大山名須弥等縱廣五百由旬於此山北有  
一大林名吱多迦林有羅刹名曰惡夢住在  
此林其行速疾於瞬目頃能行至於百千由  
旬爲諸衆生作不利益作不安樂

復次修行者隨順觀外身觀閻浮提鬱單越  
二國中間復有何等山河海渚何處頗有不



空不死非退非滅非業因緣非愛別離非怨  
憎會是故於生死中得生馱離應離縛著以  
求解脫馱於生死於生死中勿生貪樂莫與  
愛心而共遊戲勿以愛網而自纏縛莫樂生  
死一切生死熾然大苦憂悲苦惱愛別離苦  
怨憎會苦大火熾然於地獄餓鬼畜生天人  
之中無常變壞癡人貪著謂之爲樂應生馱  
離莫住魔境勿與煩惱而共遊戲後生悔心  
如是修行者隨順觀外身如實見於生死不  
住魔境離於垢濁離疑曠野

復次修行者隨順觀外身觀閻浮提北方復  
有何等山河海嶽彼以聞慧或以天眼見有

大山名俱翅羅吠羅縱廣三十由旬高十由旬於彼山中無量百千俱翅羅鳥青無憂樹赤無憂樹七葉華樹軍陀羅樹賢迦曇婆婆華那摩利華金余提迦華蘇摩那華深婆羅華多羅華昇陵伽華鳩迦華瞻婆華軍陀親命華婆利師迦華夏隨其時節皆自敷榮或於異時鬘持天衆離本住處遊戲此山有諸夜叉住此山中歡喜受樂不惱天衆於此山中多有俱翅羅鳥過此山已有大海濱名曰鵝住其中多有百千鵝群無量蓮華如是海濱鵝鴨鴛鴦珠紫之鳥民那羅鳥咽喉鳥等其蓮華色如融金聚十千由旬諸蜂圍遶覆



遍其上過此以北有鬱單越有一大海縱廣  
千由旬多有大魚提彌鯢魚那迦羅魚失收  
摩羅叉魚龜等滿大海中其水青色猶如虛  
空深十千由旬螺貝之母住此水中身廣十  
里水下有山螺有大力敵千鳥力墮山峯上  
則皆破碎過此海已有一大海名曰乳海縱  
廣五十由旬洪波常起大惡毒龍常如雷聲  
復次修行者隨順觀外身觀閻浮提北海有  
何等山河海渚彼以聞慧或以天眼見諸大  
山其數五百金銀玻璃一千由旬近鬱單越  
多有蓮華如日初出過此山已有一大國名  
曰乳旋山河園林多有鳥獸夜叉止住心常

歡喜多有華樹衆物具足

復次修行者隨順觀外身閻浮提比復有何  
等山河海渚彼以聞慧或以天眼觀閻浮提  
及鬱單越二國中間更無有國鬱單越國縱  
廣十千由旬三十六億聚落可愛三十六億  
所受之樂少減四天王天天無骨肉垢汗天  
亦不眴鬱單越人有骨肉垢汗目有視眴無  
我我所亦無我慢死則決定生於天上離慢  
諂曲不起妬嫉心常歡喜不畏夜叉羅刹毗  
舍遮鬼鳩槃荼鬼師子虎豹夜叉惡龍惡虫  
之類亦無荒儉寒熱飢渴疾病遠離一切怨  
家怖恐互相愛敬不爲妨礙無有王賊水火



刁兵之畏金樹光明晝夜不別金鳥銀鳥珊瑚之鳥若樹若鳥種種雜色歡喜如人雖無心識亦如人法

復次修行者隨順觀外身鬱單越復有何等可愛味耶彼以聞慧或以天眼見鬱單越有十大山何等爲十一名僧迦賒山二名等峯山三名陁摩勿力伽山四名白雲持山五名高聚山六名普鬚山七名時節樂山八名持歡喜山九名如意山十名俱賒耶舍山是名十大山鬱單越國大海周匝如閻浮提有四大山何等爲四一名雪山二名民陁山三名摩羅耶山四名雞羅娑山鬱單越國十種大

山亦復如是

正法念處經卷第六十八

宜

縱足容鞞步迷支音邏郎号耽丁舍海濱音下

賓必自反狗非下豹正上攔尹下楯時反嬉戲之戲許反豸螺

二同郎和鯢魚方托攬下古巧反反颯正作猪

張居甄那上音居延反埵丁舟梯他方躡仇上

作二字音音真反施智余提她上音噤紫于二同

反下瓮於貢敵反徒的反敵反的反

頻洋溢羊逸音翅施智余提她上音噤紫于二同

正下瓮於貢敵反徒的反敵反的反



